

鳳州志

卷之四

奇嵐州志卷之十二

山西省圖  
書館珍藏

藝文志下

詩 五言古

送尤昇庵還太原

袁鏘珩

翼城人  
壬午

南國有奇士綺齡振弱翰瓌姿一何偉煙雲

筆端秋風桂子香春雨杏花翻薄言采盈躬

節出長安秦淮佳勝地閩海以不冤謳思餘去

後至今說李官誰寔啄蛾眉左遷及太原回首

謝吳粵高歌行路難五載晉陽水落落自孤鸞

山西書局  
地方文獻

01001

(24356)

山後十八州奇嵐最彫殘  
兒嘖須慈媪魚勞畏  
急滿一自使君來政和民已驩  
霜操鬼破膽清  
心五夜寒人生貴行意更隱何足歎  
願更崇明德令名矢勿諛  
道傍班馬鳴揮手勸加餐

東山紀遊

孫織錦 潁州學憲

邊州校士竣驅馬登東山  
旭日散林木晴嵐護  
疊關屏騶恣緩步扶杖踏茅菅  
石磴斷仍續鳥踪細復彎  
參差高下疊紅綠錦文斑  
雲卧蒼茫裏洞門杳靄間  
遠觀峰作礪俯瞰水如環  
我欲

偶升去高高不可攀  
何年掛錫者息假餘嫵爛  
事業前修邈清風良晤艱  
炎氣渾不到與我且怡顏  
曠覽消諸慮猶然鶴共閒  
主人能醉客欣賞歡情嫵  
爲愛絕塵地相期再往還

雪山遠眺

聞說此山好披圖幾卧遊  
深林聳箇箇瀑布飛  
瀏瀏雪積澗含凍雲封寺轉幽  
空王如可問還約駕車輪

東山寺遊

登山遠市駕羅刹可傳杯傑閣瞻霄漢諸天遍  
斗台探竒迂鳥道瀑布飛瀾隈藥殿依巖合珠  
宮近岸開捫蘿看斷碣拂蘚陟鬼臺幽壑浮清  
瀨空階長綠苔蘭沉僧入定鐘響客新來登臨  
剩感慨形勢自崔嵬乾坤真幻界人世幾浮堆

詩

七言古

塞寒篇

明李炳大參

邊城三月寒飛雪四月凌晨風更烈已夏不解  
試春衣一裘未厭千鵲結南山岫斫草無青漪

水西流去不停人椎復畏商他市坐束饑寒命  
若螢家有丁男耕作苦終歲營營在泥土穫來  
舂米急公租少剩糠粃潤懸釜幼兒十歲就外  
傳號寒啼饑讀章句縱能射策中君王依然甕  
牖一寒素世有人貧在皮膚此地人貧却入骨  
郊原漭蕩荆榛多額征不減當時牘非無召杜  
殫心勞督郵踔厲安能逃難將鷓肉醫瘡孔祇  
應瑣尾相號咷相號咷淚如雨百憂展轉悲無  
已復聞鐵騎齧巖疆角弓厯亂羽書布倘然按

籍點中男終朝枵腹憑誰哺君不見綺閣催花  
醉舞筵上林鳥獸羽毛鮮安得先春煥寒谷平  
分挾纈照堯年

贈袁卧侯

袁鏘珩

吾家黃帝之苗裔或處江南或朔北四世三公  
何藹藹六朝風流接異代眇余綺歲弄柔翰讀  
書幾會窺豹半饑來逼我強作吏棄盡平生徒  
內媿秋風跨蹇肯嵐城不乏山光兼水聲掌大  
一枝浩自如誰能彈鋏歌無車有時間月城頭

望署裏光燄萬丈長寶劔淪歎幾千載

卧侯豐城人

定有異人此焉在天涯何處少相知與君况自  
同根枝人生契分會有緣益信此來匪偶然不  
爾君家西江我河東濶絕惟是馬牛風胡然萍  
集一城中聞聲相慕將無同山亦不在高水亦  
不在深夢邊命駕渺難尋室邇人遐勞我心

趙子瑜堂翁初度

山後諸山山之母大行王屋皆亞旅誰實建瓴  
拊其背肯嵐曰在最高處環城列旄若繁星頰

揖恒霍爲弟兄石田礪塔風霜惡煙火蕭蕭少  
人耕五馬場來自燕雲亦謠慈父亦神君衙舍  
花飛夜深深一簾明月映琴心秋來風景真清  
絕八瓊新聲譜瑤闕筵前有棗大如瓜青種閒  
啄丹砂屑鯁生三載管泔水冷氈高挂五雲裏  
心豔紫氣繞懸弧歌罷攬揆鼓孩孩

奉酬卧隱宗翁

袁 霽

豐城人  
文學

騎人夜半吟黃葉檐露無聲濕衫褶緬憶伊人  
月在天咫尺何緣望眉睫憐予破硯走西陲君

亦來茲坐虎皮論宗同屬軒轅氏或肯容予駢  
拇枝投我詩章如相見珠璣亂落蛛絲面筆端  
意氣何縱橫小巫蕭索胷魂戰念君秋卧蕭齋  
裏布被匡牀濕嵐泚鼠雀窺人狝夜啼細雨清  
霜打窗紙夢回欲眠不得眠苦吟獨自聳詩肩  
詩成示子子尙讀書聲喋喋鐘聲圓

壽李煥章父臺

岳觀瀾

嵐山秀削環漪水瑞氣融融浮新紫中有大牧  
稱仙人陽春脚走關山裏桃吐萼兮柳垂青忽

見東風懸歲星鴻鴈嗷嗷翔樂土鳴鼓晝偃靜  
旗亭堯天舜日逢時泰純固敦龐民永賴絃誦  
聲傳井里中桑麻綠遍郊墟外刑清政簡坐黃  
堂一片冰心皎月光吏肅秋霜民甘雨人言疑  
是錦河陽二月欣逢壽域開雲璈玉管紫霞杯  
笑進南山千石酒遮莫山城是蓬萊王喬雙鳥  
生羽翰還看指日飛天半金貂鐵豸五色驄年  
年常侍明光殿

詩

五言律

嵐州作

唐杜審言

此地春光晚邊城氣候寒往來花不發新舊雪  
仍殘水作琴中聽山疑畫裏看自驚牽遠役艱  
險促征鞍

蘆芽山

宋潘閔修撰

此地絕炎蒸猶疑到不能夜深如有雨寺靜若  
無僧枕潤連雲石窗明照佛燈平生多賤骨寒  
逼恐難勝

輓折克行經畧

張舜民

千古雲臺會同歸一慘悽家聲著河北忠勇冠  
山西此日辭旌節他年聽鼓聲豈惟舊士女塞  
馬亦悲啼

前題

朱琳太史

籍甚詩書將兼傳競病吟籌邊心鍊刺憂國鬢  
霜侵天嗇金城畧星低玉壘陰壯猷須國老當  
殿嘆應深

岢嵐隘

崔鏞陝西人  
中丞

羣山如合抱一水自潑洄日出嵐光裏人居石  
麓隈風高秋早到俗古氣初開四望荒城外蕭  
蕭半草萊

引水入城志喜

王遴直隸人  
大司馬

薄宦空山裏民情吏事稀不妨漱石趣且喜引  
泉肥澗轉千門合池分百道飛乾坤萬里眼幾  
度照晴暉

羣山四野逼一水萬家通圖畫開邊徼蓬瀛勝  
海中瀑聲喧鳥雀晴色映簾櫳官閣無人到清  
幽誰與同



校士岢嵐作

呂純如 學憲

瘦馬投寒塞荒城急暮春慵心愁萬卷豁眼得  
孤松伏盡渾無暑嵐昏便有風北山吾不怨獨  
自惜孤踪

候鴈歸何處間關政此時分飛辭燕侶信宿得  
鷓枝寒節催人早春閨繫帛遲何如江上去仍  
舊狎鳧鷖

過岢嵐感興

丁啟睿 憲副

春望愁無盡躊躇轉夕暉封狼何日靖澤鴈幾  
時歸斜內沙量久樽前箸借稀憑誰傳賦草莫  
待羽書飛

雲際寺

汪可受 學憲

雨過山光好逢僧世界殊路旁羣樹老雲際一  
峰孤地僻人偏到天高鳥亦無夜來前嶺月照  
我與毘盧

和潘閔蘆芽山韻

國朝王繼祖 學憲

山高鳥絕跡欲躋媿無能頂上常逢雪巖前未  
見僧寺古人難到松陰殿少燈千年稱勝地酷

暑冷不勝

香嚴寺卽事

袁鏘珩

便覺滄州遠誰知吾道尊聞風愁俗冷見志幸

民敦

時披尚  
嵐志

骨肉聊連榻鼓鐘肯到門鶉衣盈

里巷挾纒感奇温

落落自城市只疑一遠村山深天地窄風猛古  
今繁宦况愁堪瀝病軀骨可捫莫言鄉國邇身  
已在樓煩

千里一官眇雲山故自賒寄書兼涕淚顧影賤  
泥沙此地偏秋令今時無菊花院僧能似我冷  
澹是生涯

萬壑一孤州黃砂動晚秋諸生憐菜色市井賸  
羊裘梵唄因風遠晨鐘著鳥浮客窗愁不寐疑  
怨及醮樓

秋霜驅落葉展轉逐飛蓬甯淡宜南寺

香嚴俗  
呼南寺

牢騷柰北風雙碑明萬曆三殿宋元豐妙解如

來意行因總是空

時讀  
楞嚴

禪棲欣一寂幽賞未能無雨霽秋煙迥霜清夜

月孤奚費委賤息

游兒檢  
余舊集

澹墨望諸儒近喜添

丁信含飴事可圖

荒城餘蔓草風過水冷冷月連霜舊白山以雨  
新青旅夢勞蝴蝶鄉思負鵲鴿那堪蛩泣露還  
向枕邊聽

寂寞寄蕭寺身名仍薜蘿暮煙隨鳥盡新月入  
窗多吾豈在溫飽此不廢嘯歌羈懷難盡遣慚  
愧碩人邁

風雨重陽近黃花何處開僧牀寒欲覺鴈字遠  
須裁落去葉依樹沾來酒在杯故園權定劇南  
望莫登臺

曉起自嘲

難續還家夢低迴謝布衾曙光澄客慮夜氣見  
天心五斗腰空折

詩嵐因歲祲停征  
薄俸亦無由可領

三竿嬾不

侵雞聲頻入耳只此故山音

過西豹峪

時有保德之役

匹馬崎嶇路相逢客子稀秋偕黃葉老鳥逼白  
雲飛澹蕩山光遠空濛雨色微田家風景別野

菽徧柴扉

度天門關

側躬投險路薄命與天謀翠接千峯矗冰斂一  
壑幽艱難隨馬智呼吸入雲浮歸去涉園好

涉園

今在岢畧所闢蔬圃澆花且自由

次家弟香巖寺韻却寄

袁鏘珂

翼城人巳卯

蕭寺橫經日微雲疎雨秋僧貧餘破衲吏隱典  
輕裘宦味何妨淡書音切勿浮盱鴻千里目終  
日在危樓

開卷焚香外掩關一事無賦傷木葉落詩慰筆  
花孤爲問醉陶令何如飽侏儒作人終雅事五  
斗豈漫圖

傲骨宜山壑新盟舊薜蘿位卑應嬾得心遠自  
閒多軟飽看山色清狂踏雪歌在官猶在野寤  
寐詩人邁

衣鉢誰堪接風柔絳帳開英才元樂育狂簡倘  
須裁握麈談霏玉擁書酒泛杯春明桃李發花  
豔黃金臺

和懷宗翁香巖寺韻

袁 雪

江西人  
文學

念爾居蕭寺琴書掛薜蘿霜威侵榻冷山色到  
門多拜佛聽經梵呼兒共款歌雲霄正初服莫  
羨考槃邁

一官雖獨冷莫漫說飄蓬點易分僧火論詩自  
國風諸生誰魯士夫子是南豐閉戶庭趨鯉君  
應竭兩空

古寺霜鐘後脩然萬籟無人圍千卷靜榻對一  
燈孤老杜殊風雅諸弟是大儒春花彈指發騰

翼看南圖

僵卧吾家事前時雪正賒

十四日雪

三章逢伐木太

息類長沙雅量憑蕉葉雄心拂劍花故鄉生夢  
寐悵望曲江涯

草草三年客驚心度素秋鄉思催夜角寒信入  
輕裘筆墨孤生計身名老拍浮巢鳥應類我悽

愴過高樓

末二章  
自况

對月

松雲千萬疊到夕夜光圍山濶煙無盡人孤月

共寒砧餘鴻影度露下葉聲乾應有高樓婦羅  
衣畏獨看

游白勝庵

李時秀

永平人  
文學

幽絕無多地居然與世違僧謀人面少客到白  
雲稀遮莫猿啼月祇應虎嘯饑風塵空碌碌不  
及老緇衣

雲旌清古道五馬禮金仙山色共圖畫松風奏  
管絃花香浮客座鶴影避茶煙靜聆僧揮塵閒  
參一日禪

石徑穿雲入深山隱大觀松蘿僧舍靜風雨翠  
屏寒題句詩魂瘦啣杯酒政寬留連情不盡欲  
繪畫圖看

客來風雨際如市踐藤蘿素昧王侯貴今勞車  
馬多石牀聯玉佩雲塢列森戈選勝非歸法難  
求一棒呵

前題

袁鏘珩

濟勝凌朝爽素心此不違樵蹤經雨削梵響落  
雲稀綠草猶醫俗清泉可樂饑石公今地主閒

語却袍衣

九泥減谷口漁艇自然違曲徑馬蹏感危岡樹  
影稀枕流堪謝夢煮石欲忘饑心遠乾坤小臨  
風一振衣

碧山成玉立松意峭無違地僻花兒冷天陰牧  
子稀鐘聲能向寂禪悅儻充饑誰了如如理當  
身認寶衣

浣塵憑細雨登臨未全違漱石僧還可破雲客  
不稀鳥鳴疑說法花笑自療饑翻欲懷游興長

來理紫衣

春日游仙人澗

楊丕烈 學博

陰壑塵踪削仙陀瑣宿苔清航千籟疊寂賴一  
鐘開雲散溼仍在春還青欲來興高殊未盡立  
馬自徘徊

題白雲真人詩並序

徐攀桂 東里郡守

真人不知生何時長何地偶過嵐谷愛此山幽  
靜募建廟宇焚修於茲曾不言其姓氏惟當年  
坐卧起居常見有白雲罩頂郡父老遂稱爲白

雲真人云羽化後骸骨衣冠存留劍壁石穴余  
因禱雨有應捐廉造塔以作佳城仙靈不昧尙  
其禦災捍患爲士民庇又從而賦詩曰

捧檄來嵐谷荒城雁語酸輸糧筋力竭問歲膽

心寒郡中連年歲荒臨別祈靈雨餘緣結戒壇余時已有調回

本任之信壺中天一水高灑白雲端

詩  
七言律

送葉朝奉官寄別駕

宋 王十朋

雲間踏白看繹旗須記西湖把酒時夢裏吳山

皆是幻眼前織婦最相宜夕烽過後人初醉春

鴈來時雪未滋爲問從軍真樂否書來麤遣故

人知

輓折經畧

張舜民

西河幕下均勞苦僕射軍中若父兄里巷未容

收竹馬牙門已見揭銘旌盡殲洪德幾擒嫗自

拓天都便偃兵藿食野人何不寐只憂禦敵失

長城

朱 琳



齊竽歷告付戎旃將畧兵機倚萬全笑取天都  
摧右臂坐安隴渭肅西邊韜鈴初試一二策甲  
子俄周六十年宿草新墳堪墮淚英姿空想畫  
殘煙

李之儀

中翰

月掩天邊畢口星俄傳丹旌出新銘凱歌尙記  
都門路畫像空留禁殿屏漢地拓餘烽自遠大  
營拔處草常青他時再見安西府涕淚徒能想  
威名

戈馬間關四十春天恣忠義不謀身連營盡在  
仁心內多稼何知妙畧因夜半執來誰是策人  
間不覺始爲神衰殘曾記登門舊魂斷平生淚  
滿巾

利害紛紛火裏薪須知美玉異堅珉乾坤可  
君知我文武分傳世有人河外封疆孤遠畧胸  
中衡石謝前塵何時雞酒尋相約翻媿征西  
上春

西安佳氣接靈平盡出元戎指願成信是

萬人敵非干歆羨一時榮賊中膽落名原重壇  
上旗開衆不驚豈止臨營能歎息千年諸葛自  
如生

道院凌霄

董雄飛

久阻尋眞夢寐勞偶然杖履到山椒絲綸密迺  
瞻如在仙佩迢迢去莫招雨積蒼苔渾徧地年  
深白栝欲凌霄道人簫鼓迎神罷惟有哀蟬伴  
寂寥

岢嵐漫咏

明魏紳大中丞

歲值連荒食正艱使軍何處被民攀豈無礪瘡  
田連陌已有逃亡屋數間烽火兩年猶未息轉  
輸六月幾曾閒憂深才劣成何事一入行臺一  
厚顏

楊錦憲副

仲冬風日一登樓烽火微明北嶺頭萬點峯巒  
天險壯數聲簫鼓陳雲愁出師直欲追先哲仗  
劔還將分國憂極目河東安樂地樓臺相似岢  
嵐州

沈鍾學

太原西畔奇嵐州嵐氣氤氳耿不收山險馬偏  
愁驛路春深入尙著貂裘幾家禾黍沿坡綠百  
道甘泉出水流烽火不驚民訟簡吏於茲土更  
何求

馬昊侍御

馬出嵐州日未寅東風拂面蕩征塵村雞漫唱  
猶催客山鳥頻啼似喚人鄉土有時還入夢宦  
途無日不勞神平生才力雖綿薄只恃丹心爲

國民

袁隨學愈

攢峯硤砢古嵐間忍見民瘼處處艱堊戍荒烟  
惟古木深春殘雪滿空山臨崖俯眺鄉思杳落  
日孤征路轉慳只爲匡時掄國士閭閻風景更  
相關

秋興

李朴司李

關山九月暮增寒空翠因風溼客冠入谷乍驚  
林壑暗披雪纔覺海天寬狼煙消盡千峯淨鴈

陣排寒萬里，菊滿園秋正好，暫將獨酒一  
追歡。

寄嵐道中

王漸 侍御

路入樓煩氣轉涼，高邊風景異尋常。  
三春久謝衣還袷，五月將殘麥未黃。  
戍贖孤煙愁大漠，燕低破塢接奇荒。  
征輶日暮空山裏，何處笳聲斷客腸。

眼荒寄嵐作時流寇未靖

楊正奇 憲副

絕塞寒雲黯未收，黃沙處處染征裘。  
堪娛柏府饒馴鶴，可奈桃林未放牛。  
斬木揭竿應有變，鳩形鵠面正須愁。  
縱令涓滴當饑渴，何似豐年大有秋。

征寇至寄嵐有感

丁啟睿

啣命西疆未罷兵，鶴屯到處盡虛名。  
鵠容逐隊扶戈立，鴛足怯鞭架骨行。  
草隱重沙穿望眼，烟疎比屋慘離情。  
漫言羽檄紛如許，且爲君王急厚生。

天旱濬河

李鳴世 井涇人

郡丞

一點浮雲萬壑風雲消可奈火當空黃沙未地  
雖獨稅枵腹愁腸且赴工舉境似狂謔早魃羣  
望何濟說天孽桑林引辜惟虞禱拭目甘霖報  
歲豐

游西山

武清

乙未  
臬司

巍巍古刹隱西山杖履從教數往還細雨欲來  
瑤石潤清香方散石爐間樓臺影出蒼茫外鐘  
磬聲聞縹緲間三十餘年勞夢想登臨此日肯  
辭艱

任廷傑

明府  
癸卯

曉來呼友看西山攜得清風兩袖還春似有情  
嫌我晚世應多事讓僧閒一樽開罷斜陽外萬  
籟聲回水石間辦得幽懷重欲賞崔巍陟處已  
忘艱

楊樹德

備闕人  
茂才

露濕金鋪暑已過西山蒼翠鎖巖阿白雲片片  
連霄漢古栢森森挂女蘿野寺敲鐘風作韻殘  
碑無字草生多婆娑不盡登臨意興到秋風一

嘯歌

輓御史牛宣

蕭韶

明府甲午

驚看文宿隕江陰山斗人心屬望深冰雪正宜  
鵬去疾風塵已見鵬來臨囊空四海人非昔橐  
錄千條法尙今山嶽動搖都瞻落第車應不負  
歸琴

飲仙人澗

李炳

大叅壬辰

東山煙景映樓臺萬壑千巖次第來林隱僧居  
隔岸杳風吹漁唱伴雲開幾迴暢飲休辭醉連  
日狂歌不用猜贏得清閒消永日何須弱水覓  
蓬萊

雲山紀游

東山笑兀白雲飛古寺清幽客到稀澗湧松濤  
留宿凍壁懸瀑布散清暉牧樵妬雨吹林火鐘  
磬隨風出翠微幾度登臨渾不厭漫從野衲問  
禪機

爲王烈姐死兵賦

王繼夏

明府癸酉

曾見枝山輓趙吟幾迴諷誦淚沾襟清風世遠

還能繼苦節年深定不塵  
白刃自甘心似鍊黃泉  
可保骨如銀魏無太史  
如椽筆爲寫丹衷照古今

過白衣庵

岳士望

雨花煙樹萬緣清  
爲訪支公過化城  
警眼迷途悲趣苦  
回頭覺岸悟身輕  
磬魚側畔看時變  
儒釋淵源了性明  
不二妙門還在我  
結庵亦可證無生

校士岢嵐書懷二律

海胥琬 學憲

樓煩山色望崔嵬  
山帶嵐光接上臺  
應有彩毫希晉闕  
豈無駿馬市燕臺  
魚龍挾雨天池起  
桃李乘春闈苑開  
幾卷賦心攜欲授  
何人解効盛張來

其二

星軺靡盬頌勞臣  
歷過千峰面面塵  
地接黃河環趙代  
路連紫塞控燕秦  
沙田禾黍多礪确  
陶穴人家尙樸純  
願寫幽風圖一幅  
他年持去上

楓宸

試士岢嵐雨雪漫賦

吳巖

雪滿山城鍵不開松聲入座捲濤回  
簾旌撲處招銀海獸炭紅時拂酒杯  
文陣光生寒士色詩筒吟費使君才  
當年橐筆猶堪記曾向風檐呵凍來

閱諸生童騎射

亂山如障繞孤城中有圍營似掌平  
風展牙旗開虎帳人吹畫角和銅鈺  
鵬弓鳴鏑催弦勁整鼓聲喧試馬輕  
洵是澤宮堪與選須知觀德在

無爭

校士岢嵐中秋前二日作

高龍光

聞山

街

命衡文古塞邊祇憑公道別媿妍  
天門奇闢三關外水鏡空慚八代前  
瘠土死城人自樸清風明月我尤憐  
夜深每切焚香台不負初心不負天

月夕陰晦須臾清暉倍帟口占誌喜

好景愁逢霧幙遮廣寒冰鎖隱明霞  
風雷忽洗中天月吐出祥光爛熳華



遊仙人洞

國朝 李文燦 太學

縣崖峭壁半樓臺，貪勝幽人數往來。  
幾個閑僧眠未起，一灣芳草路纔開。  
鶯鳴花底飛還落，鶴起松梢去復迴。  
欲避塵囂惟借此，桃源深處任徘徊。

送趙堂翁倅處州

袁鏘珩

邊城斗大半彫殘，徧野蜚鴻撫字難。  
琴韻風來清午夜，棠陰月上說三韓。  
吳山猶是中丞烈，越水應因刺史寒。  
此去括蒼青有主，縣知竹馬伫。

江干 乃叔開府兩湖

代尤昇庵二首

雨雪半天霜月明，開尊茅店使君情。  
一時冬日人依趙，五夜春風我識荆。  
竹馬久應縣澤國，棠碑已自勒山城。  
好攜琴鶴括蒼去，處處還聞麗水清。

自來山右問循良，清獻威名滿晉陽。  
兩月追陪醞雅志，三冬扳臥走窮荒。  
馬蹏踏雪無停跡，鷄首穿梅有妙香。  
此去知饒新雨露，餘波可許到

補遺  
九和  
人

爲元昇庵祝其堂翁別某

家世玉京笏滿床少年及第蚤穿楊兵書一卷  
清姑孰萸莢小春豔晉陽表裏山河供獻壽門  
闌弧矢報稱觴歌崧偏阻華封吏三祝遙遙紫  
塞旁

一自太原賦謫居蕭蕭風雪渺愁余幾人青盼  
慰羈旅此日紅波凌太虛頗牧香名紛自遠信  
陵高義可誰如山城分得壽筵月笑寄梅花信

鯉魚

九日

客懷全不愛離東此日相思逐塞鴻沙漠詩成  
貧病裏茂林人老別離中紙窗作意鳴紅葉破  
帽驚心怨朔風遙憶故園萸插徧惠連才藻爲  
誰雄

中秋州署雨集

翫事滿期月一城同君飽坐挹新清雲時風雨  
真無賴中夜檐櫺亦有聲鈴閣行來門似水綺

談飛處玉爲泓乾坤落落吾誰與心醉才人白  
眼明

前題

塞上濛濛雨一城芳時何事翳孤清鴈羣暗度  
黃砂磧客意悽聞玉笛聲落葉隨流秋在水稻  
花飄浪碧爲泓尊前猶喜逢袁凱白燕詩傳眼  
倍明

過洪福寺聽講

岳觀瀾

慚愧又隨生死流難將苦海了閒愁三千瀟界  
塵迷眼七十空華雪滿頭鐘梵聲中誰夢覺入  
天影裏覺身浮西來妙指知非遠數往從之問

惠休

初秋隨袁老師集仙人澗

王凝命

茂才

纔辭城市了無多卻盡煩囂互一河危徑乍睇  
魂已怯欹巒欲斷鳥曾過橫空紫靄成秋意入  
夜清音在水波杖屨追陪詩酒興振衣歸去細

吟哦

感懷

陳

烈

蕭山人  
郡守

青燈長夜靜攤書壁上無絃韻自如天外白雲  
勞寤寐時家君在江眼前赤子費躊躇勤將子  
史求王道仰體天心問積儲焉得瘡痍頓平復  
救荒多愧我才疎

詩 五言排律

早發水峪關

袁鏘珩

宦情殊易倦秋况又經年晨發緣何事長征亦  
偶然霜餘紅葉慘雨過碧苔妍鳥跡橫斜路僧  
龕寂寞禪危峯難久倚獨樹擬高眠煙阻無多

地雲開有小天神疲山業業性悅水涓涓斷續  
村堪弔青黃石可憐殷勤雞黍供慚愧主人賢  
賦謝有懷年台

尤師錫潮江人  
乙未

定交方三月傾蓋已知心道業敦人已才情燦  
古今芳成雙玉樹寶重異瓊林文追三代遠詞  
鄙六朝淫西山雲可接南澗水常深荷譽垂丹  
款披吟當右箴

游蘆芽山書所見

岳觀瀾

約侶同尋勝探奇意不窮識岐分野岸問宿止

山翁石脊蹇蹄碎嶺顏樵燒紅溪洄聲咽月林  
轟影搔穹樹抄多於樹崧尖瘦亦崧地偏山暝  
日磴折露飛虹下上環而異景光漸不同拳巒  
皆箇箇鳥道自滢滢巧囀簧娛耳爭鮮艷奪瞳  
聲色香互發紅紫綠交叢扳險神逾王憩涼意  
復匆烹茶敲石火彙食飽雲葱聳壑晴疑雨虬  
濤翠瀉颯穿幽暑氣薄持戒俗緣空虎嘯鳴金  
悸鹿呦選草豐牧來腥隈隩木拔委蒿蓬路仄  
行儼墜嵌适勢欲舛爽懷惟詫秀豁目忽驚崇

塔毀金何湧碑斑字亦蒙洗磨認氏跡指點說  
僧功人杳苔封徑雲深寒鎖峒身經荒院怯心  
切危岳恍霞靉迷塵色颺酸散曉濛覽觀叅法  
界肅括淡明聽壁列如仙掌巖崢信鬼工天丁  
剗澗絕螺髻出煙隆傍碧池開鑑依微石結宮  
陟巔親佛面演梵悟泫風凡聖指端見人天想  
像中徘徊良久立疑信滿予衷有地堪逃俗無  
山可避戎諸天來牧馬緇衆亦驚鴻瓦礫沈龍  
象楹甍覆莽芄講堂餘野燹珠藏斷殘烘大乘

靈胡嘒檀那偃若侗竈寒壘石髓砌響動秋蟲  
共道雨花地何貽灰劫侗自來遊賞癖仍是客  
心憎歸路趨陽夕投林謁遠公孤岑橫砦邈插  
漢短垣通古剎樓岸曲危樓構石拱犬幽聲似  
豹僧老貌猶童丈室喧禪定厓田供客充伊蒲  
隨意饌頂禮眎慈冲紀勝追前代憑高弔往雄  
登臨頻太息促坐頃方融龕照長松暮鐘鳴疊  
嶂東落暉凝晚翠深夜話層墜栩栩夢時方覺空  
門日已曛相揖前徑別悟我有山容

詩

五言絕句

送友之嵐州

唐李白

將軍飛虎符戰士卧龍沙邊月隨弓影嚴霜拂

劍花

出塞曲

寒雲護積雪鳴劍出天關勒得燕然碣歸來意

氣閒

詩七言絕句

岢嵐軍

宋黃庭堅

日斜汾渚催驛馬雪暗岢嵐傳酒杯塞上金湯  
惟粟粒胸中水鏡是人才

輓邱都督陞

明劉景韶海防憲副

將軍死綏氣橫秋霹靂空弦賊尙愁月落轅門  
寒露滴斷腸聲裏聽梁州

五丈原頭殞大星武侯死去更精靈東南從此  
銷金甲直視蓬山海外青

清秋組練照江明萬竈貔貅肅舊容看取平淮  
功業就路人指點說西平

沙場馬革步前徽江表功成百世稀此夜可憐  
閨裏婦燈前猶寄藁砧衣

朱旗半卷壓雲低白馬長驅向月嘶草木皆兵  
傷主帥淮南露柳總如啼

功成百戰有天知自是將軍值數奇莫道貂獬  
消息斷麒麟閣上大名垂

暮春感雪

張倌陝西人  
學博

雪舞春殘凍不消曉來低壓杏花稍卻疑臘月  
江南地幾樹梅花傍市橋

布穀

李時芳

武功人  
兵憲

蕭索山城幾葺屋沙田五月草無綠山禽不識  
人間早猶向枝頭說布穀

鹿徑嶺

王好問

侍御

鹿徑山頭孤徑窄黃花嶺畔百花香樓煩五月  
風猶急吹得征人兩鬢霜

岢嵐吟

靳學會

兵憲

邊城五月尙衣裘撲面寒風動客愁不是山禽  
說布穀行人却自認三秋

導水入城口號

王 遴

憲副

四山羅列孤城繞一水汪洋萬戶通舊跡偶成  
新事業後人應不廢余功

曾於山水誇南服攬勝從今說此中附鳳攀龍  
元北地早鍾佳氣已葱葱

弔郭元帥

任繼芳

明府

隱隱荒城倚暮雲鄉人傳是郭周墳殘碑讀罷  
傷今古萬壑風號不忍聞

東山

武 清

觀察



煙霞妝點舊嵐山  
攜興詩人未得閒  
並馬追隨風雪外  
一尊開向水雲間

爲王中立

任繼芳

明府

萬卷經書七步詩  
孤高志氣世難羈  
此身逝共漁樵老  
不許金魚換布衣

前題

魏廷馥

郡倅

直道孤持志不移  
清風亮節古今稀  
山林自得遊閒趣  
不慕金魚與紫衣

岢嵐吟

史文炳

水繞山環石徑通  
登樓曉望堡西東  
關城已極蕭條意  
民物猶留樸素風

望西山寺

山色當春綠映窗  
葱蘢莫辨樹縱橫  
晴霞萬丈開雲際  
隱約鐘聲帶曉撞

嵐州城

疊嶂嵯峨附郭依  
城樓高拱勢巍巍  
巖疆控北稱天塹  
保障於今尙振威

登嵐州城

城樓高聳白雲間此日登臨望四山北枕蘆芽  
雄衛所西當狹路扼門關

過鹿徑嶺

鹿徑嶺高插碧天行人走馬過山巔樓煩借問  
當年戍古寨荒墩鎖暮煙

野望

數家茅屋結重巖野老春田草是芟日夕遙聞  
歸牧笛蒼煙翠靄鎖松杉

詞

過鹿徑嶺竹枝詞

袁鏘珩

誰家紅淚濺枝枝曉色秋光帶露垂怪得羣童  
拍手笑街頭拾取醋榴兒

山前山後半污邪蝴蝶飛飛撲碧花兒女小窗  
針線急秋深轉眼刈胡麻

落花鳥語水涓涓鹿徑嶺頭別有天何處嵐州

暫借問行人尙說雞兒沿

雞兒沿是岢嵐  
界沿或作塢

旭日光分石上苔襍花雨後儘山開婆娑市里  
誰家子婦女爭攜油麥來

題繪爲何堂翁

霞明玉樹秋光紫  
牧笛一聲煙翠起  
庭鶴不鳴  
月在天琴心夜夜映漪水

寄嵐竹枝詞

左兆熊

景州人  
明府

水繞山環似畫圖  
當中盤踞一城孤  
年來滿目  
蕭條甚破屋荒田屬古區

月課蘆山書院頻  
都中士子亦彬彬  
生童考試  
能多少未及登瀛十八人

幾家婦女語喧嘩  
百結鶉衣倚戶斜  
手把線針  
忙未了男兒又喚種胡麻

三春寒逼似深秋  
別有天兮是此州  
怪道傳言  
邊塞冷人家五月尙披裘

春到清明節序嘉  
此間猶是雪交加  
閒來更向  
郊原望柳未垂青杏未花

歌

秋日遊仙人澗歌

孫希元

興縣人  
庚戌

仙人澗高插天  
浮空傑閣橫蒼煙  
何年巨靈揮  
斧劈靈域山椒  
劃斷山根連我來  
昂首發幽想

石磴嵯峨不得上，拚將薄命與天謀。手挽危椽  
魂震盪，肉顛腳力弛。更值風威駛，中懸一絲喘。  
外露三分趾，蛇盤蟻旋陟。天門天門一線雲光  
裏，上有怪石碎，匄熊虎蹲。下有孤橋木腐枕，潭  
水逡巡取。次到僧房半，掐岸曲半編牆。時余心  
魄差阻喪，小竝平臺恣眺望。泱泱漪水莽莽南  
山。仙人澗面履踏喬木手接飛鸞紅塵十丈掃  
欲淨青天尺五低，可攀俛瞰同人平蕪開射圃。  
同人並習射礮下颼颼鳴鏑聲在，有無間吁嗟乎仙人

仙去幾時回藥鼎，丹爐並劫灰。獨有枯僧此道  
跡，談經石榻坐莓苔。我疑其間未必有仙真，仙  
人卽是冶遊人。一日遊澗，一日仙礮流爲主。我  
爲賓，賓去主留靜。復靜回看秋煙澹林影。

中秋遊西山晚歸歌

驅馬上西山，西山一何巍。馬怯不敢前，鞭垂不  
敢揮。牢控鞿韁盤復旋，秋風瑟瑟吹我衣。行行  
駐山腰，下馬歛僧扉。僧言此地逢秋冷，若冬三  
庚過。處客來稀，飲我松泉水。坐我深樹圍，不見

巖花開簇簇但見滿林黃葉逐雲飛其間山果  
經霜紅復紫顆顆珊瑚各相似大株小株紛雜  
還不辨山梨與山杞既入雲際寺還憑大士樓  
樓枕山椒通帝座呼吸風雷捫斗牛下瞰城頭  
萬堞鱗鱗排石齒比屋參差炊烟浮天高日淡  
人影小揭來漪水一線流俛仰之間發遐想彩  
鸞何處空悠悠我聞伊昔唐天子百尺瑤臺度  
中秋又聞道者趙知微夜半酒肴天柱頭顧我  
茲來豈不快輾轉歸鞍興未休夕陽相送入城

關恨不山頭望明月

賦

關山賦 并序

明 靳學會

曾以兵憲駐節岢嵐未一載三詣省嘗經乏馬  
鹿徑天門諸山皆奇絕峻危之極上則仰下則  
俯愚顧影歎曰嗟乎愚何其俯仰之若是耶豈  
天地之高厚如此不敢不跼蹐耶嘗聞蜀道險  
絕將無類是乎迺詢之蜀士夫云蜀險雖長不  
若是隘矣余愴焉傷神悽然以悲不知路之有

關山耶抑余官之有關山耶抽思染翰而作賦  
曰

夫何世路之曠蕩兮奚獨是之幽仄人咸登夫  
先岸兮奚獨余之窘塞彼王道之平平兮匪擇  
人而驅之背周行之坦途兮步邯鄲其何爲衆  
熙熙以登春臺兮悼余其罹此艱危也舍正路  
而弗由兮又前哲之所悲也顧邑有朝歌之號  
兮墨子爲之廻車矧夫九邊之陝陋兮夫豈賢  
者之宜居方其離塵市出城闔辭精舍就囂塵

始跬步積逡巡歷窞越塹緣徑穿岐亂石谿  
夾道逶迤十進九阻千折百隨羊腸詰屈使人  
氣殫而力疲者嶺也及其瞻岵陟屺攀葛援藟  
傍椒邱度林薄躋九陵升劔閣車輪摧馬蹄  
後夫擁前夫却若憑虛御風而冲舉者岡也爾  
其爲狀則嵯峩及業岩巖巖巖崔巍穹隆磊落  
龍嵒突兀萃嶺瑰瑋盤鬱半連半墜如跂如翼  
奇詭萬態儼然振乎其上蓋雷霆激烈也爾其  
爲勢則迂迴紆徐宛轉崎嶇窈冥峻深幽迥蒼

森躋萬丈之懸磴臨不測之重陰巧者躡足以  
緩步拙者擬跡而侵尋魂神飛越愕然驚乎其  
下蓋往來接軫也當其自春徂夏則有灌木交  
加叢林掩蔽青藹蔚蒼羣芳繁翳於是碧苔繡  
石綠蘚封砌下垂幽巖瀑水滂瀉以此思危則  
危可知也至乃背秋涉冬則風霾交作塵埃四  
起冰霜被面霏雪盈耳窮嶺積凍滑不可履下  
就澗道冰凝谷底蒲伏膝行日才數里以此思  
憂則憂可知也若夫原野蕭瑟煙火寂寥窮  
魍魎木魅山魍虺蛇晝見鼯鼠晨嗥麋鹿爲羣  
邊城是鄰山重重兮獨見樹路迢迢兮不逢人  
以此思哀則哀可知也嗟乎人生行役未有歸  
期離緒萬種愁結如絲迺復歌曰憶關山兮秦  
邊城照邊城兮漢明月代旣異兮月不殊行人  
逝兮路未歇

過孤山岩宿韓子齋頭

岳 桓

爲得尋幽趣時來叩石霞景奇租佛勝遊興貸  
山賒雨過漫花氣雲深隱剎斜憑空聊借榻月

夜話清遊

惜閒覽此勝危步度山隅澗絕松濤瀉林空梵  
演孤殮分香鉢供人喜臭蘭符羨爾青雲業浮  
心淡欲無





[光緒] 崑崙州志十二卷

(清) 史文炳纂修

清光緒十年刻本

四冊

原件收藏

山西省圖書館

原件書號

24353-56

原件狀況

原件有部分有污迹

本部書共攝制 1 卷 卷一至卷十二

版權所有 不准復印

# 本部书完

本片卷含： 卷一至卷十二